

詩

雅亭集元





癸卯余入內閣喜占檢書
李懋官遊懋官上余喜也
每歸院靜暇藉松蔭而聽
竹韻飲懋官酒論文章懋
官瘦骨支衣竦肩引吭纒

語不已嘗自言年少時
西入薊州倚長城見滄海
東流因駐車遼野問藩胡
戰地南遊伽倻山橫嘯雲
際訪崔致遠古蹟翩然若

鼓埃壒而窮玄冥其玄氣
凜乎可觀聰悟絕人目一
游輒誦山經水志周鼓漢
碑爾雅說文草木蟲魚上
下三數千載荒恠誕僻雖

曠聞而稀見者皆懋官有
也故有叩之則左右商訂
其辯愈長而逾變者以為
詩文若有相之者蒼然閭
然如燕趙之市歌筑互答

激之則烈其音刻厲而聲
新雅湛而出覲創意杼軸
獨造沙界絕無椎斧痕片
遺稿雖若干篇尚可以知
其為人也雖然如懋宣者

多畸窮困窘未嘗希合於
世也故世人不見容往
被酒喜放與旅人逐客睢
盱縱恣於藪澤墟里之間
以沒其齒而不之及焉余

嘗然之惟懋官砥行績文
不以方外自命綽約若處
子撫內閣之書十有五年
被不常之渥而承匪頒
之錫聲光已熒然動人

而遺稿之刊又出聖旨

則以布衣而更

明主之知更千古莫与為

比欲知懋官之為人亦何

待乎詩若文也方余在閣

中徘徊軒楹間見虬枝鱗
笋蔚然如昨日而懋官不
可以復見也悵悵者久之
適其胤光葵告余以遺稿
成遂書卷首以識相予之

深

聖上二十年丙辰季春帶

方州尹行恁聖甫書



李懋官既卒且葬之三季內
閣奉 聖旨徵其詩文遺稿
於其孤光葵將以印行于世
費皆出內帑諸一時名士之
嘗與懋官有故舊者各出力
以助其役而尹學士聖甫實

主其選余得其所為歌詩三百三十二篇書牘一百篇策論五篇序記雜著一百三十一篇為四卷者而讀之曰懋官之於斯術可謂能事盡矣方懋官之在世雖忌其名而

媚嫉之者至其文則曰近世
無此作矣且士以一言而合
於當世之大人君子尚且感
激而流涕况懋官以蓬華幽
潛之士受遇於聖明之世
能自知名而至其歿而得不

朽之傳則宜如何也雖其死
而將不恨於地下矣嘗攷羅
蠡之際文章衰陋不可與議
於中國而及本朝受命
累聖相承逶迤至穆陵中
興之世而始大備蓋是時摛

紳大夫號能文者莫不與王
李諸子往復京師而經史子
集之出來者於斯為盛得以
博其聞見而革去固陋今夫
鄉塾先生之平居教人輒曰
專熟一書而不資於博學者

非通論也懋官雖晚生偏邦
然遭值聖上右文之治得
以盡見閱古觀書籍而間嘗
遊燕京與浙蜀間文人才子
上下角逐其幽愁不平之鬱
於中者一發之詩而又深於

艸木鳥獸山川風俗之學著述皆可傳於世雖其學問之深厚材力之雄渾不及於先達諸大家而若其博極羣書倡起新調一洗近時之陋俗則未有如懋官之妙者也懋

官為人清介外雖冷落而中
自怡愉可親酒酣論天下事
是批人物可否談鋒迭出而
當其意者無幾人為文章心
眼慧而性靈巧不為執縛之
論亦不為鄙俚之詞曰兩漢


自有文不必賈董馬班也唐
宋自有詩不必李杜黃陳也
人笑我笑人怒我怒吾於世
亦莫云效况肯以筆墨為古
人之奴僕僇隸乎故其平生
所著書至多而求一字一句

之彷彿陳言死法不可得焉
論者以為自懋官出俗學雖
廢而文風亦一變後必有辨
之者懋官名德懋以奎章
閣檢書官為沙斤道察訪後
至積城縣監以卒享年五十

三

宜陽南公轍元平序





民部尚書公孫五平

雅亭遺稿卷之一目錄

詩

夢踏亭同徐汝五

常修

邊子欽

日休

尹曾若

可

基柳惠甫

得

觀射候

秋燈雨急

嘲吾

贈金生

正中

歸平壤

下元夜集徐汝五書齋

輓金奉常

章行

二首

與徐汝五尹曾若柳惠甫共賦



題潮村宗人軸

輓白公

尚華

立秋之午同朴在先

齊家

訪泉雨閣二首

夢踏亭共賦

七夕翌日徐汝五柳連玉

璉

運玉惠甫尹曾若

朴在先同遊三清洞挹清亭三首

九日麻浦同朴在先張幼毅

個

宿內弟朴穉川

宗山舍四首

碧蹄店

延安府

金沙寺

登沙峰望西海

曉發延安

與朴進士

綏壽

賦

贈李存仲

在誠

兼示李洛瑞

書九

二首

贈盧察訪

允中

之任金郊

送李汝剛

應鼎

讀書北漢山中

遊徐汝五東庄

三春旣望訪元丈

重舉

於長興庫直中

題田舍

秋夜偶興

謁崇仁殿

信筆有感

柳惠甫前作病齒詩慰我今落矣仍步其韻以

自唁

端午日有懷朴在先遊鐵甕城寄長篇

贈李仲純

英章

六月二十三日醉

雜題

宿徐汝五東庄

宿心溪參時祭

題田舍

客中逢尹曾若時曾若將遊白馬江

和東隣

六角峰玩花

病餘有感

南漢東將臺

高遠亭奉次金直齋

鍾厚

韻

李大器

晚中

秀野茅堂二首

雨中乞酒于城西故人

苦雨被酒戲書

馳筆次袁小修集中韻

秋曉不寐

花石亭遠眺仍渡臨津

滿月臺別朴美仲

趾源

白永叔

東脩

之金川

青石洞午飡出金川郡

黃州月波樓

練光亭觀燈

大同江泛舟

嬋娟洞

滯雨朴在先秋室夜來月星朗然二首

秋日讀帶經堂集

夏日卧病二首

酬趙布衣

衍龜

甓寺韻

幽蘭洞逢趙布衣

送趙布衣還驪江次其韻

雨中畱元若虛

有鎮

早發坡州時與朴美仲柳惠甫作關西之遊

蔥秀次柳惠甫韻

雨中同朴美仲柳惠甫沿洄綾羅島西客有沽

酒而至者微醉逢底信筆各賦
舟中望浮碧樓時雨益密又賦

題正陽門外主人壁

贈吳生

觀濟

次洪別提

希詠

閒居韻

宿麻浦贈內弟穉川

寒食日同沈狼川

念祖

賦

暮春獨酌

柳和中

煖德

山館

雨中訪元丈與二三友生同賦

秋日同元丈及金丈

允謙

李聖綿

喜經

聖欽

喜

明元若虛登朴醉琴松壇後麓

洪侍直

大容園亭

素玩亭夜賦

看花趙園

幽蘭洞

有人生於其祖之周甲及逢巳之周甲率諸子
姪輪行祀與宴

廣州途中

龍仁途中

田舍雜咏

田舍讀篋衍集

有感

經素沙野

柳川曉發

銅雀津

奉別從舅朴公

浚源

遊羅州

題趙布衣續古鏡重磨方次朱子韻

春日小集

贈李汝剛湖南之遊

秋雨客至

雨屋適飲名酒讀自周世至明季節士畸人遺
事磊落慷慨以爲下酒信筆書之

次元若虛寄韻

潮邨族姪和仲

光燮

舍遇族姪復初

光錫

及朴

在先同咏三首

謁尤菴宋文正公影幀

中學謁晦菴先生畫像

西湖水樓奉次金粼粼齋

用謙

韻

奉別李丈

燭

歸隱盤谷

歸鹿亭阻雪

題洪侍直杭士墨戲帖

題柳連玉書屋

輓南仲有

德隣

夏日閒居

次金思齋先生謚號宴韻

重陽翌日携朴在先畱復初秋月軒二首

夜到潮村族弟

貞懋

家同復初朴在先賦二首

途中雜詩二首

和李洛瑞

田舎

山寺

山寺

山寺

山寺

山寺

山寺

山寺

山寺

雅亭遺稿卷之一目錄

終

雅亭遺稿卷之一

完山 李德懋 懋官 著

詩

夢踏亭同徐汝五 常修 邊子欽 即休 尹曾若 可

墓 柳惠甫 得恭 觀射候

亭亭荷柄向吾迎
死記前遊榭逕明
林氣暑餘濃不
已泉音空外瀉如爭
軒窗藉客初增爽
筆硯乘秋各
現精却笑癯儒憑酒力
松間眼纈白幘橫

秋燈雨急

涼宵顧影剔燈紅
劒錄星經挿架充
頓有扁舟浮海

想秋齋忽泛雨聲中

嘲吾

貌古心清李炯菴評渠自抱太憨憨方其澹泊無爲
坐不辨梅酸與蔗甘

贈金生 正中 歸平壤

惜離之際悔初逢久旅欣歸獨惱儂料汝眼醒心又
癢馬頭妍妙牡丹峰

舌根宛轉語函胡聒耳嘲渠白項烏爲是勾驪中國
接聲分子母未全渝

刊落鋒稜與我歡不將時樣飭衣冠秋蟲滿貯鴟夷

腹詠氣詩聲大可觀

下元夜集徐汝五書齋

月展紛紛白宵排淅淅寒螺煙生妙想墨瀑動遐觀
酒猛杯仍減詩尖字未安靈襟延夜氣眉宇蘊春巒
韻友逢何闊令辰值亦難霎離其奈戀轟笑以爲歡
放或歸真樸痴寧諱冷酸厚霜輝老瓦散菊卓脩欄
坐久鐘音遍睡餘燭影團曉鴻嘶咽咽羣翩渺無端

輓金奉常章行二首

疴後題君輓淚彈筆逕昏些兒濃態去一副熱腸存
可愛儒中俠不厭峭處溫是猶皮膜外孝友大堪尊

粵惟文正裔藉甚甲申科命也斯而已悲夫奈若何
遽增才鬼簿俄缺冷官窠旅殞魂無憾楓溪爾族多
士文清陰先生之後
登甲申年忠良科

與徐汝五尹曾若柳惠甫共賦

雞哭寒城漢勢澄雪窓相選韻逾增淨麓異國青燐
畫團柿冬天冷沁冰各以襟情歸臘酒盡將吟嘯抵
晨燈主人遊歷南州話硯北筵排六箇朋

題潮邨宗人軸

二月清明雨墜頻漢濱泥拍滯遊人森羅畫幅春嵐
淪老大梅株臘雪陳樂土吾宗堪悅話佳辰先墓寂

懷神耕樵以外排碁局晴旭松棚會意真

輓白公

尚華

銜哀四十八年中辛丑寃深節度公餘恨至今銷不盡萬松瑟瑟峽之東

長連縣裏去思碑二十二官第一治五考三年皆上上能褒循吏李監司

八路山川遍馬蹄壯遊渾入草書題暮年病卧終南屋敗幅虹光透壁西

紅旌粉筆寫官銜蕭瑟功名故縣監資憲大夫空影職命官知有壽星參

仲季令公俱白須門庭輝映者英圖問衣寒暖今如
夢二老蕭蕭哭並扶
色養之餘葬祭哀丈人爲孝咄賢哉元知名父生能
子鄉里齋客戚黨欵

今年燈夕雨紛紛內子如何慘不欣爲是祖孫連血
氣訃來百里翌朝聞

牀頭納拜十三霜我是白公孫女郎偉貌淳風知寂
熟慚無大筆闡幽光

立秋之午同朴在先

齊家

訪泉雨閣二首

貪嗔斯外道怡悅卽吾天閣爽何來瀑林繁不已蟬

妙觀圓在處遐想際無邊設色畿東岫明嵐漾媚煙
短屨飛南里輕巾岸午天葉肥泉畔杏音勁旱餘蟬
美蔭朱樓際鮮暉色幟邊閒營容我輩跌宕限炊煙

夢踏亭共賦

戊子六月晦余與尹景止

秉鉉

柳運玉

璉

朴

在先憇于夢踏亭剝拾參瓜搜在先袖得白
牋於竈得煤於溪畔得麈詩成而顧無筆余
拈淡竹莖景止撚韻府敗紙運玉削酸梨枝
在先嚼蒲芽寫之于荷香蟬音瀑沫之裏童
子旁參曰甲光曰鼎大

荷香妙證寂朕心紅鯽搖腮閣瓦陰古翠寒蕤林滴
滴天光一線透溪深

七夕翌日徐汝五柳連玉（建）連玉惠甫尹曾若
朴在先同遊三清洞挹清亭三首

瑟瑟鴉舅樹疊石池裏栽倒寫秋暉淨池光上樹來
石氣之所鍾樹癭而泉馨秋士筆倍勁其音盡泓渟
草香生衣履樹影度鬢鬚白岳遙難卽紅欄坐著吾

九日麻浦同朴在先張幼毅（憫）宿內弟朴穉川

宗山
舍四首

大江橫似月中央滑扁丹青檣閱復合瞥見六棱樓

波穿赭石岸蒼蒼隱舟尾夕江閒人聲魚立鬐鱗偉
矗矗古滄浪浮浮中栗島茜雲烘落暉紅明徹底倒
天上星的的水中魚種種濯魄空明夕楚亭涉江誦

碧蹄店

天兵癸巳齒倭鋒鐵馬蹄勞臙土濃未抵輕儼蝴蝶
陳臨風痛哭李如松
往往鋤頭觸鐵丸邨娥綴佩愛團團太平生長邨由
識透甲曾成壯士癥

延安府

申公城築炳幾先畢竟奇功李月川敗壘蜿蜒通卉

寇崇碑屭屭辨龍年池蓮適用還徵稅野鶴橫雁亦
直錢飯顆延州誰謂美秋荒禾黍劇蕭然

金沙寺

水背如弓不見洲壯遊吾且散羈愁羣龍翬戲潮音
迥諸佛眉憂地軸浮遍滿穠棠聞亦豔飛來芽菽事
頗幽年年首夏唐船泊僧將營高海月樓

登沙峰望西海

迥立罡風不自由龍腥蜃彩盪難收時維戊子冬之
孟行次朝鮮地盡頭意內盈盈無限海指端歷歷所
經州蒼然一攬長山串七十里松濤欲浮

曉發延安

不已霜雞郡舍東殘星配月耿垂空蹄聲笠影矇矓
野行踏閨人片夢中

與朴進士

綏壽賦

秋室蕭蕭問起居張燈軟話二更餘輕衣煖閣趺如
佛朱葉霜垣腎似魚懶可蜨菴爲配享貧難麴部做
尚書祇將文雅招同里茶果情真契不疎

贈李存仲

在誠

兼示李洛瑞

書九

二首

洛瑞與存仲冲年志老成自言并一世相視樂平生
盡是吾同姓矧伊各有情翩翩憐愛洽每向雪宵迎

善讀陶潛集其人名士哉外沖中蘊慧先品次論才
整暇當梅樹溫存引酒杯君歸何以慰不禁念頭來

贈盧察訪

九中

之任金郊

草色官袍老太常淋漓諧笑少年場酒酣卧聽荆卿
傳特捋蒼髯意氣長

驛樹禽鳴旅想紛滿斟官酒煩雙醺杏花亂落家家
櫪驕躍青驄赭白羣

仕則離羣不仕飢去畱心事兩難爲無寧去喫金郊
飯月送同人雅集資

送李汝剛

應鼎

讀書北漢山中

曉秣青騾馱漢書鳴泉步步滿襟疎何菴僧報花消息片夢迷離白塔廬

遊徐汝五東庄

儔侶聯翩步履齊徐家亭子道峰西幽花漠漠逢僧落白月紛紛向客低依樣亂萍多影樹七分寒雨善鳴溪重遊政逐新來燕并宿還同對待栖

三春旣望訪元丈

重舉

於長興庫直中

倉曹傲吏晚春尋高卧槐軒鬢蔚森弱柳千章生遠綠新禽百種送佳音研朱點史修清課引白哦詩見古心何幸今辰花事好夕陽無限對疎襟

題田舍

兒腮弟額夢分明覺卧它鄉二百程郡士新交譚部
借畿朋歷別贈聯成非楓雜樹都紅意旣雨長川忽
冷鳴辟呬庄童親近語郎來此屋始書聲

秋夜偶興

紫盪燈油坐著深了無一事劇相侵度天鴻客安身
策守夜蟲朋苦口箴雨墨霞箋通畫意煙書嵐字助
文心倘逢瀟灑靈襟士把臂行當永入林

謁崇仁殿

檀君殿謁孔宮瞻神聖之隣廟更嚴道寄姬書陳蕩

蕩詩開鮮雅詠蘄蘄危踪昔被佯狂髮遺裔誰飄克
肖髯不受周封元自到孟堅爲志本心拈

信筆有感

簾光圍繞炯然吾晝永虛齋一事無醜石生衣通體
好澹雲無蒂任心娛學先超脫非朱嫡詩太依模卽
杜奴久靜元知銷暑法涼生壁半藕花圖

柳惠甫前作病齒詩慰我今落矣仍步其韻以

自言

我齒清比二泔淅根堅不煩厲以石紅矧如簷蠶不
館寧拔虎髭勞剔索挑姬元無擲梭辱抗主邴有芥

撞責不戒飯砂陰爲賊左下門齒災偏劇譬如紅夷
砲撞堞兩堅相搏轟而晝無補桃枝借神茶何賴鹽
滓請膠鬲魄震毛孔汗爆迸噤暗不暇喚嗟惜欲落
不落搖復搖久與舌狎無間隔今春奄然辭我齷且
耻語音篩其隙此豁縱非緣衰老一缺那復完血脉
吸酒嘗恐汎濫勢喫餅長惡嶠岬跡骨節芭蕉元來
脆一任風雨鳴策策

端午日有懷朴在先遊鐵甕城寄長篇

五月五日青飲館溝柳風來午襟散好鳥吻紅櫻桃
含嬌兒髻香菖蒲綰是時不飲也無睡何事如夢而

似醉眼忽搖裔情湊泊卯雲西坼螺峰翠佳辰間闊
朴楚亭遠地畱滯古鐵城獨數既往推未來睽離之
多大勞情冷節燈宵皆若斯秋夕菊日應如之當設
何法塞吾想泯若從前未交時譬如茜蘼白地錦百
濯終難贖一染萬樹紅霜入香山早早歸來慰長念

贈李仲純

英章

李子茅山隱伊來十載垂家風何太潔心事未全癡
叱特耕畬遍騎驟到郭遲今春楓岳見不負少年時
六月二十三日醉

今年已過半歎歎欲何爲古俗其難見吾生廼可知

物情饒伺察心事浪猜疑
內子還佳友賒醪快灌之

雜題

風樓卧念陸龜蒙深美逍遙笠澤中
隨例名渠方外士黜莊扶孟是誰功

宿徐汝五東庄

初到東庄萬石橫楓杉之裏見徐生
一山領略無非水終夜停當自在聲
欸欸纔叅僧佛會澄澄共溯月
星行秋軒曠朗簫腔轉似喜如悲不可名

宿心溪參時祭

溪名爲號拈來心藹蔚英聲動士林
爾出吾宗儀物

備秋行時祭祖靈臨階霜燭耿輝輝淨廳月香升裊
裊深好禮奚徒資品粹蓋緣長對直齋襟

題田舍

茅菴搖落榭籬牢煖服涼巾快快豪好酒令人情轉
勝寒花值我韻初高農家凡例幽風畫秋士鋪舒楚
國騷聊試今行將隱峽亭臯日涉不辭勞

客中逢尹曾若時曾若將遊白馬江

瑟瑟寒江漾客舟濟王宮樹不禁秋只緣當日龍耽
馬唐將靴痕石上畱

和東隣

適會詩罇又此亭欲花青樹意冥冥同隣罕見交如
水它客新逢聚似星古砌貞松根四據虛庭素鶴影
雙停好拈燈畔弇州韻句欲圓來二鼓聽

六角峰玩花

天晴衣正麗遊隊出家家纔洽知時雨遍濃得地花
社林青靄集宮石紫暉斜莎淨何煩席臺東影互加
病餘有感

病餘槃水浣瘦頰洗知高翡翠光何豔芭蕉體不牢
置身誰坦坦役志舉勞勞敢詫雙眸炯於書勝佛毫
南漢東將臺

空外飄衣影峰嵐抹淺青境宜初夏集詩最夕陽聽
雜樹精華湓荒城氣勢停旗竿畱壯蹟豪想與亭亭

高遠亭奉次金直齋

鍾厚

韻

研道寬閒野先生隱者齊澹花縈晚石幽草漾晴溪
數郡煙相近它山樹欲低亭名斯可悟堪滌眼根迷

李大器

晚中

秀野茅堂二首

始辦妻兒貯安閒過二冬茅明簷受澗紙翠戶延峰
長老因花集宗人與月逢泠然隨意到吾亦野夫蹤
居迥難知暑對暄不怕冬瓊瓏雨過樹窈窕春餘峰
澗色澄邊語園香藹處逢補閒書帙內夙歲祕高蹤

雨申乞酒于城西故人

釀法君厨美杯深未忍醒
籌朝謀一集槽夜惜孤聽
待餽喉方燥憶斟鼻預馨
僕去蓑衣綠莫愁雨入甌
苦雨被酒戲書

地濃天漏坐逾旬圍屋幽
脩雨脚臻負氣自疑天下
士仄身還是海東民詩腸
大抵秋聲正道味伊來夜
氣真逢著無難交契好書
中往往會心人

馳筆次袁小修集中韻

病餘試腕寫叢篁幽事相
仍靜却忙品果逢秋能效
用韻禽乘夕盡求藏雲呈
異態緣蒸暑樹變深蒼待

抹霜有佛瞳中觀小劫方來現在霎時香

雙板寥寥永晝屏離羣不入俗人機故持雨色襟中
貯盡拾秋精筆底歸譚柄縱長誰授好心香欲細可
貽稀最憐剩蜨饒情緒向我殷勤掠帽飛

人自悲秋我悅秋性根嚴冷也相猶百弓距道纔迎
塔十笏量庭恰置樓名士元羞錢孔隱通人一閱酒
場遊書生有氣聊磨耗快駕滄江健帆舟

幽憂雖亘詎眉顰如塑凝然膝淨茵午運未終欣降
我丁年方值昧資身沈寥初警窻塗眼礮礪將鳴硯
剔鱗程課一生真贗辨樣難入俗孰能馴

秋曉不寐

祇把全透補半癡隨人耻做强淋漓太無滋味推移
厭差欲流芳樹立遲佳友倘逢輸肺腑名賢劇想現
須眉青天管領吾行止事到違心順遣之

花石亭遠眺仍渡臨津

朝暉紅盪帽簷霞籬子低低一二家老李先生曾築
室皇華使者昔停車衣明樹末江成月鞋暖城根逕
入花轟飲故令搖櫓緩東坡店外趁棲鴉

滿月臺別朴美仲

趾源

白永叔

東脩

之金川

繁華只博草油油彈指之間五百秋閒拾剩輓韓響

憶細推崩礎柱圍求雲歸水逝英雄氣花落鳥啼旅
客愁豈謂興亡于我甚離情仍惹淚潛流

青石洞午食出金川郡

萬樹歲蕤裏行人冒綠光飫聞名不左恣覽意殊央
青石厓纔已金川郡始當豁然初涉野低日馬鳴長

黃州月波樓

酒浪春衫濺紅娥賣眼畱江山真氣勢今古孰風流
斷岸橫蟠郭虛汀特峙樓黃州知信美急管緩鄉愁

練光亭觀燈

棗騶晨秣古黃州穿出修林浪始流戰伐飛騰疇昔

夢漁樵問答等閒愁觀潮靜對平鋪石候月先登第
一樓巧值吾行初八夕千燈發豔異鄉眸

大同江泛舟

永明寺裏桃花飛浮碧樓前水漸肥畫舫忽忽衣影
纈澹黃街月半醺歸

嬋娟洞

嬋娟洞草賽羅裙剩粉殘香暗古墳現在紅娘休詫
豔此中無數舊如君

滯雨朴在先秋室夜來月星朗然二首

小重陽日楚辭樓坐擁幽條一壑秋愛聽橫經童子

問回思秉燭古人遊華星照地蟲皆動繁露縈河鴈
盡流歲序堂堂如是逝百年長願素心求
臨水登山到子樓離羣政恐負高秋圖書自足供吾
輩絲竹那能抵此遊嗜酒弱年多妙理論交半世罕
清流伊來結習空詩律撚盡髭莖漫興求

秋日讀帶經堂集

沈寥秋令樹先知任忘暄涼做白痴壁靜萬蟲勤自
語簾虛一鳥慣相窺拋它錢癖如將浼呼我書淫故
不辭好事中州空豔羨堯峰文筆阮亭詩

夏日卧病二首

病或因貧得謀身奈太疎
螳階豐素粒蝸壁耀銀書
藥向門生乞粥從內子
茹猶能耽卷帙結習故難除
機關吾豈習節目士當疎
與聽濃纖話寧觀礮礪書
骨高荷稱製腸潔菊堪茹
庭草看生意不令穉子除

酬趙布衣衍通璧寺韻

聞葉澄江趙倚樓佳辰憶我奈涼秋
懶翁縹緲波搖塔神馬嶙峋石出洲
爲聽瑤琴勞遠望欲貽芳翰惹
新愁如今種種懷難已林子云來不共遊

布衣與林山人配屋

同遊覽寺云

幽蘭洞逢趙布衣

靈襟秀朗照芳春
澹坐松根境更新
細數一生今得意
桃花開盡見高人

送趙布衣還驪江次其韻

百種禽鳴雨點稀
梨花時節峭帆歸
春江綠漲書船重
穩逐煙東粉鴨依

雨中畱元若虛

有鎮

人謂春何永
吾嫌煦不遲
費心畱好客
極意過良時
大地蒙花影
遙空滿雨絲
怪來生甚異
被酒輒能詩

早發坡州時與朴美仲柳惠甫作關西之遊

斜月來窺燕子巢
虛窓馬秣聽蕭蕭
僕夫罷睡矇矓

語也到臨津紅日高

蔥秀次柳惠甫韻

嶙峋壁影倒川青輝映當年幾使星
皴石皆堪增畫譜乳泉還恨漏茶經
先洄一曲憑仙榻欲攬真形上驛亭
日夕溪翁那識此再來吾自美長停

雨中同朴美仲柳惠甫沿洄綾羅島西客有沽酒而至者微醉逢底信筆各賦

邂逅殊鄉慰暫違汀林演漾綠陰肥
綾羅地勢流將去麟馬仙踪渺不歸
一任高瀾頻打舫莫辭輕雨滿吹衣
親朋小聚謀長醉那管前朝有是非

舟中望浮碧樓時雨益密又賦

浮碧樓棱轉糢糊
辨柱彤乍逢閒步
鷺凝想靜居龍
孤郭迎潮整亂帆
入雨濃青青綾島
麥停棹美明農
題正陽門外主人壁

眼慣西京樹緣何
我到頻翩翩名下
士款款意中人
紅飯箕田豆鮮肴
淚水鱗勝宅前度
別畱滯洽盈旬

贈吳生

觀濟

含毬門接井田隣
京客來遊眼境新
借我奇書仍贈酒
異鄉人似故鄉人

次洪別提

希泳

閒居韻

紙窗安穩雅襟齊談次微醺抵日西
冒雪空林鳴近遠曬暉羣雀睡高低
翁惟慧眼評蠶尾兒亦英才讀
馬蹏礪礪玲瓏明季史後生於此莫令迷

洪丈表章阮亭詩又

嫺於明季事對語纒纒其子舜徒時讀莊子

宿麻浦贈內弟稚川

初春顏色喜相看燈結疎花酒漾瀾
冰鯉不眠思底事沙鴻多警惱無端
煙纔澹蕩鋪新白月最妍鮮返舊
團境到幽微方促膝宋人詩話補餘閒

寒食日同沈狼川

念祖賦

圍閣微病養輕寒剪剪騷書程嫌蠶尾詩品戒蠶腰

芳樹精初現，嬌禽乳正勞。佳辰逢韻友，憐聽酒鳴槽。

暮春獨酌

鼎鼎年華入酒卮，初因莽宕轉無爲。身將隱矣書何著，學未成焉命始知。通體迂惟當世我，寸心交是一生誰。賸多真少經來慣，雙眼如今獨自持。

柳和仲

煥德

山館

葡萄吐蔓牡丹尖，坐久芳陰綠滿簷。小醉泠然無一事，話從花史樹經拈。

雨中訪元丈與二三友生同賦

我來不藉赫蹄書，爲愛青林翳子居。磊落枯腸支菜

果零星閒話注蟲魚同抄暝飯厨煙歇獨曬秋衣郭
雨疎已遂東州長遄計宅年願學把耒鋤

秋日同元丈及金丈

允謙

李聖綿

喜經

聖欽

喜

明元若虛登朴醉琴松壇後麓

坵南行復歇佳蔭得圓松譚次評高閣指頭譜遠峰
秋晴皆勁氣夕景頓清容勝事堪摸畫深歡二老逢

洪侍直

大容

園亭

高人秉潔操耿介中林廬獨彈玄鶴琴清商滿太虛
匪直寄遐想幽憂自不除所思遙難卽漫把浙杭書
溫溫嚴夫子素心雅而疎磊砢陸孝廉燕吳遍名譽

文藻潘香祖燦燦氣筍蔬天涯結知己存沒多悲噓
賤子側聽歎慰君聊虛徐東方一士高只可予友予
素玩亭夜賦

一擔煙霜涉暝溪啼多蠟淚到聽雞吳談不厭襟懷
放宋律何妨氣力齊園樹迎秋紅欲染階花卧雨皎
無泥酒鱗瑟瑟挑豪想五鼓堪鞭蹋月蹄

看花趙園

十字官街柳始顛名園選勝綠溪緣鳩音獨靜紛囂
外鷺羽遙明澹翠前社樹皴鱗通御氣宮池貼面閱
先天花鬚刺眼拈還笑細白深紅較去年

幽蘭洞

百種嬌禽變響新流光又屆夏頭旬幽香隱谷憐堪
佩芳草緣溪悵可茵菴畫真成金碧境瓊瓏疑化水
晶人酡紅不厭飛觴屢抵夕攀花亦宿因

有人生於其祖之周甲及逢已之周甲率諸子
姪輪行祀與宴

悲歡交集孝思長遺裔輪回各獻觴人世百年昭穆
次歲星三甲祖孫當初辰鄭族修新祭追壽朱宗檢
舊章禮逐情生兼祀讌丁寧儀節詔諸郎

鄭泳麟溪集云四月

一日乃始遷祖初生之辰行一獻禮案泳元人也姚旅露書云南州宗室親死者遇寸生日猶追壽焉族

人俱禮謁案 大
明宗室朱氏也

廣州途中

指點鞭梢問俗頻
鳥飛盡處是誰隣
仄暉山忽雄黃發
冷暈天將卵色皴
草際蹣跚輸稻馬
楓中縋綵負芻人
吾行未必愁羈旅
現了關荆畫裏身

龍仁途中

畫譜詩箋觸境舒
森羅光景悟如如
晴禾瑟瑟行當聽
夕葉紅明展可書
落照牛歸孤樹逕
曠郊人語澹煙廬
一叢嘈囋無名雀
解覘忘機故近予

田舍雜咏

辭家二日却忘勞米國禾困到處高語慣蟲魚通爾
雅性耽蘭菊擬離騷游龍曲折乾紅柄吉貝團絜黯
綠韜夕杵纔休厨火耿香騰土釜煮溪毛

田舍讀篋衍集

顧影蕭蕭斗室空阮亭冰叔對書中腐譚姑許蝦髯
客歎態難禁鼈欬翁有口何嘗餐細菊開眸元不賞
妍楓此君縱鹵猶真意勝似京城冶貌童

有感

農丈人星曉映空煙霜衝冒稻陂東酸醎已熟長貧
日冷暖偏經久旅中親老那能辭鄙事才疎端合役

微躬譚非景略何捫蝨姑把溫顏對社翁

經素沙野

訪古行行策馬遲圖經曾讀縣州知
鳧史舊國城墟宛麻貴荒營戰狀危
歷弔田中弘慶寺來尋店畔大同碑
催裝背指成歡驛官樹邨煙景更奇

柳川曉發

歸馬駸駸與月奔
稀星殘火澹紅渾
犬如豹吠殷荒店
雞作蠅鳴逗遠邨
冥漠君寒長著睡
華胥國遠暫還魂
斯須衝過矇矓境
霜旭天東盪紫痕

銅雀津

牙亭遺稿卷一
冷紅京樹著霜紋
霍霍空船櫓響勤
頃刻花惟鳧外浪
飛來峰是馬頭雲
鞋彈錦石何時了
扇拍金沙竟日紛
水店更衣催趁郭
旋歸久旅得無欣

奉別從舅朴公

浚源

遊羅州

天涯旅食豸冠郎
搖落秋冬一馬黃
快典朝衫提酒榼
閒焚諫草馱詩囊
筠田月素眉鬚冷
橘戶煙青笑語香
遊子莫愁歸夢屢
潘南縣豈別人鄉

題趙布衣續古鏡重磨方次朱子韻

金膏拭得按新方
爲是苔花翳鏡光
宛對晴窗依舊面
快如窮子始還鄉

春日小集

日白春青靜板扉
高樓讌坐客
筵稀輕颭剪
剪經花
眼微雨
絲絲褪蝶衣
婀娜煙能幽
草覆丰茸樹可艷
禽歸疎襟滿
貯蕭閒氣
報荅韶光酒莫違

贈李汝剛湖南之遊

鞭絲帽影伴歸鴻
匹馬行穿萬樹紅
收拾秋光成一擔
水晶峰迥月瓊瓏

秋雨客至

寒林搖落晚時序
又深秋倚枕空
千慮開樽散百愁
棲雀知時急
賓鴻得氣浮
客來頗慰意
歸屐雨聲收

雨屋適飲名酒讀自周世至明季節士畸人遺
事磊落慷慨以爲下酒信筆書之

離騷痛飲讀如呻腸裏車輪轉百巡經史遙尋千古
士圖章深刻大明民心常欲哭通身鬱人盡無情
到處辛莫問寰中誰卓犖朝鮮吾輩又兼貧

次元若虛寄韻

隨緣自托信天翁現世豪情又酒龍澹醉難禁孤笑
發書城周匝據當中

潮村族姪和仲

光燮

舍遇族姪復初

光錫

及朴

在先同咏三首

溪南秋樹屋信宿意彌深漫咏非今體微醺卽古心
夕階霜響屨晨牖月窺衾習靜山居性煩嫌一鳥音
吾家恬退志終古卜居深亂樹通寒夢孤雲托遠心
明時休誓墓清夜不慙衾落魄誰如我秋詩發勁音
娟娟秋月子於道覺精深牛飯葺高跡鶉衣貯潔心
晤言勤剪燭宴息幸聯衾頗務陳言去詩耽伯敬音
謁尤菴宋文正公影幀
風泉悲響百年無扶着皇朝只此圖獨占堂堂田
地好東遷南渡孔仍朱

中學謁晦菴先生畫像

生遠千年地九千遺書漫抱小朝鮮
攀瞻影子難爲意忽自驩然又泫然

西湖水樓奉次金嚶嚶齋

用謙韻

汴月微黃緩照樓樓中賓主盡名流
靈襟洒落形骸外飽頰丹砂一白頭

奉別李丈

爛

歸隱盤谷

詩禮諸郎滿眼前老爺清健地行仙
人生若得如吾丈不羨腰間萬貫纏

歸鹿亭阻雪

池北書齋曉影沈樵青沽酒返虛林
葛藤相戒休繁

話薑桂同期守苦心羊仲頻來松逕熟馬卿多病雪
園深閒中細演先天數已喜微陽抵積陰

題洪侍直杭士墨戲帖

不願中書不願仙孤懷偏側井竈天一生堪羨湛軒
老陸海潘江獨遡沿

題柳連玉書屋

東國寧嘆鬱鬱中原滿說津津子語渾如昨夢吾心
宛是前身

輓南仲有

德隣

沈吟搖筆想云云在昔何人可擬君欲借西崑長吉

傳略加刪潤爲銘墳

夏日閒居

病起頗嫌笋簟清，焚香燕坐喜初晴。
癡人錢外知何事，名士書間寄一生。
日淨孤花濃蝶睡，風沈遠樹泛蟬聲。
紅於韎鞞憐沽酒，潏洞憂端快掃平。

次金思齋先生謚號宴韻

緬想行藏已卯年，黨人碑裏大名懸。
旂常公議垂千古，錦誥恩馳降九天。
風化三方曾建節，淵源二老早參筵。
鳳岑遺廟巋然在，榮讌詩成永寶傳。

重陽翌日携朴在先畱復初秋月軒二首

題襟遊子漢南歸搖落蕭辰未授衣半擔圖書黃葉
隲一叢砧杵白煙屏瞻依丙舍驚寒露惆悵丁簾戀
夕暉多賴吾宗頗好事盈盈邨酒竿如飛

昭代歌謠遠古風不妨自號牧雞翁輕霜初下楓全
艷淺霧新收稻盡紅樵逕細分銀杏北書窗遙辨漆
林中朱魚去漉潮溪曲得得歸來拖畧童

夜到潮村族弟

貞懋

家同復初朴在先賦二首

夕溪鳴十里清聽一泠然書屋尋紅樹漁梁涉白煙
佳賓携月到賢弟掃霜延不寐團欒話燈花剔更妍
賒酒溪童返主人頗會心月梧雙雀影霜荳一蛩音

桑下畱寒夢蘆中聽遠吟聊箋捫蝨話勝事傳詞林

途中雜詩二首

行行摩詰詩裏處處倪迂畫中煙白禽如渡海溪清
魚若乘空

寸馬豆人歷歷楓天棗地茫茫亂樹句勒竹勢澹雲
斃羅綿光

和李洛瑞

消遣閒愁付太空靈犀祗信炯然通三秋獨送東方
月萬里長臨北地風日出漢城占語鵲天低沮水憶
歸鴻向誰說此纏綿意暗祝寒宵見夢中

田舍

硯囊書帙托田童雙雀嘈嘈一樹紅屋角偏明殘照
漏吾家宛到蠟窗中

雅亭遺稿卷之一

雅亭遺稿卷之二目錄

詩

陽城途中

秋宵雷雨旅卧佃屋率爾而成痛飲大白

卽事

秋夜遣悶

戲次前韻

野行口號

旅懷

絕句六首

梨洞任家墓下作

人日和李洛瑞柳惠甫朴在先

正月廿八日集徐汝五書齋

苑署奉和嚶嚶子仍呈元丈

題尹曾若遊閑山島詩卷

渡臨津奉和書狀官沈公念祖韻

青石洞

向九連城

遼野

遼陽尉遲塔

渾河

廣寧途中

北鎮廟

十三山

五月初一日十三山述懷

威遠臺望見山海關

題撫寧縣秀才徐紹芬壁

榛子店憶季文蘭

薊門煙樹

沙窩堡賈老人歌

敬次金直齋先生韻

奎章閣八景

登瀛洲七言排律二十韻

燕射禮歌

奉贈

奎章直閣鄭公

志儉

之任義州

姜判書

世晃

紅葉樓避暑

春日寓直摛文院柳惠甫朴在先同賦

院夜

摛文院信筆

沈子承

景文

宅逢元丈

西院初秋校唐宋文次朴在先東院直中韻院

分東西閒忙殊異

燈夕直摛文院次李待教

崑秀韻

題畫二首

次柳惠甫尚方直中韻

寒竹堂冬夜

次柳惠甫永保亭長篇韻奉獻鄭學士

還到花山郵復次柳惠甫長篇韻却寄摛文院

同僚

兩頭纖纖

陝川涵碧樓

次朴在先直廬新成韻

有懷沈穉教

象奎

畫扇

宣賜上林稻仍

命臣等於閣中炊殮同食拈

施愚山韻恭紀

永陵扈

駕以傳語差使員賡韻

敬次元丈韻

元丈直廬

輓元丈

百年三萬六千日一日須傾三百杯七言排律

二十韻

城市全圖七言古詩百韻

金剛一萬二千峰七言排律五十韻

輓李斯舉

鴻祥

集沈判官

公著

園亭

題虎符蘆洲雪鴈圖

內閣公讌與李承旨

書九

徐直閣

榮輔

南直閣

公轍

柳檢書得恩字送成都護

大中

之任北青

雅亭遺稿卷之二

四

雅亭遺稿卷之二目錄

終

雅亭遺稿卷之二

完山 李德懋 懋官 著

詩

陽城途中

野日荒荒尚覺遲
長亭驢背弄鞭絲
寺墟石泐觀音像
官道風磨太守碑
飢歲何人能共醉
蕭辰無處不宜詩
經來虎藪追前侶
孤店煙青認夕炊

籬落零星榭葉鳴
吳家山迥路初平
佛幢煙外毫光寂
院額楓間粉字明
埋沒衣冠知野態
溫存酒食見人情
力田荒歲那能殺
晚稻纔收早麥耕

秋宵雷雨旅卧佃屋率爾而成痛飲大白
竭來田圃旅思新秋士牢騷痛飲頻悶仲豬肝嫌自
累顏生驥尾歎無因丁寧有眼堪千古珍重知音只
數人蕭瑟戾戾歌曲怨寒閨歸夢瘦妻嘔

卽事

自剉霜芻喂瘦驢邨風漸慣卸鞍初青山缺處時沽
酒紅樹園中獨著書牛馬去來秋水外漁樵問答夕
陽餘閒人到此還多事朝涉荒園暮偃廬

秋夜遣悶

深知麋性樂林臯混跡耕樵士始高白月人眠驚冷

枕清霜馬齧響虛槽書生安用胸中甲畫史爲加頰
上毛歷數先民誰卓犖遼東願作管寧曹

戲次前韻

東阡纔過又南臯驢背騷人野興高客子無錢羞罄
橐誰家有酒聽鳴槽那令李白成三影祇見楊朱惜
一毛頓飯朝晡風味短青山不語笑君曹

野行口號

翁仲蕭蕭敗塚斜夕陽無數送寒鴉擣蒲石出漁人
逕丫字溪分野叟家遠葉飄零何郡樹餘香斷續某
邱花自從秋末風霜厲戍削殘山減綠螺

旅懷

落木崢嶸月一庭
山中獨夜枕遺經
古來齋志頭搔白
何處開懷眼拭青
歸夢悠揚鳴暗水
羈愁歷亂耿寒星
稻船裝送吾當發
十口飢應盡鵠形

絕句六首

紅葉埋行踪
山家隨意訪書聲
和纖聲落日互低仰
蒼危孤磬飄村靜
雙砧急遠客悄無眠
寒峰白雨集
試步黃昏逕
田明吉貝花暗泉
祇聞響鳴咽歷誰家
如纂農家禮
先耕田神祠
明禋賈思勰
虔禱汜勝之
妻兒不須憐
大是欺人語
他鄉饒餅食
却箸亂心緒

石磴樵人細遙村一火紅川原堪入畫都在遠觀中

梨洞任家墓下作

悄悵步墟里郊原杳盈矚振衣入疎烟翹首憇寒木
陂水明如鑑照影雙屬玉梨洞非名勝聊堪慰幽獨
荒崖懸石磴虛澗着茅屋遠樹或無枝遠人不辨目
路分任家墓落葉填深谷惻惻難爲懷夕日殘碑讀
念彼冥漠君久已捐榮辱牲石雖深刻眼光不相續
祇是在世人藉此傳遺躅仄想銘文者亦應化殘觴
所以曠達士堪笑不堪哭

人日和李洛瑞柳惠甫朴在先

朝日清且和淨掃焚香室春物紛悅性藹藹歸吾筆
幽情師造化目擊道不失閒展北宗帖獨把南華表
林鴉歸方急隣鶴鳴未畢遙雲含雨意明澹間穠密
清齋位置整天狀髹几一

謀生一何拙不掩風雨室詎愁妻無裙頗憐兒好筆
逐逐紅塵子終年歧路失飢讀當珍膳獨抱先民表
咀嚼無外嗜此樂何時畢銷愁招杜康錢兄交難密
人生諒不偶函三而超一

炯狀靈襟照秦粵可同室論品不論跡頑硯媿銳筆
駉蛩雖非人甘草貽不失奈何芳年交鮮到八九表

離合在片言難保初與畢寧爲真相疎莫作假相密
願言各書紳同心貴貞一

來往盡名流奇香藹一室冬春迭代謝綠鬢禿如筆
願言貞素履百年齊得失熙怡對壘爵蕭閒展籤表
斯晨又斯夕伊吾事佔畢靈襟緣習靜妙契在藏密
勗哉歲寒交冬日記真一

不見勞夢想間闊嗟異室跌宕冷齋詩道勁楚亭筆
淹雅薑山學孰得孰爲失種種殊不乏清言動盈表
收藏作鴻寶老夫能事畢想來出展讀字字春蠶密
此真天下士那可闕其一

妍妍一株梅宛在伊人室春燈映苔槎縐感馳渴筆
窻間鼠尾梢比影毫無失疎蕊落青樽暗香飄素表
整巾拈花笑玄談丙夜畢咀芳高懷淡嗅馨真意密
持此證襟期花中添友一

正月廿八日集徐汝五書齋

漸看餘寒九九消韶風宛宛返千條心同風鵲長思
退跡似秋鷹不受調卓地雲山都瘦骨媚天煙柳祗
纖腰難禁樂意懸弧席醉眼花生劇盪搖

苑署奉和廖廖子仍呈元丈

石逕天新雨光風轉碧蕙白頭上林令邀客歡把袂

先輩盡磊落晚生頗秀慧慨想節士植松陰寂狀憇
酒中雜小諧芳辰樂盛世勛哉吾黨士雅訓作嘉惠
題尹曾若遊閑山島詩卷

詩情跳盪海爭雄椽筆樓船破浪風雜種生心緣大
陸妖氛極目歇長空陳劉戰伐須臾蜃薩筑人煙一
片鴻幻境晴窗渾水想雲濤疑漲百篇中

渡臨津奉和書狀官沈公

念祖韻

驚罷離家夢官樓曉角齊沿洄花石底迢遞綠礬西
不負平生眼聊憑萬里蹄男兒四方志去去莫摧低

青石洞

開京三宿出官道接燕中澗漲驅沙白畚燒掠草紅
吾生非繫瓠游子歎征蓬萬里依人去蠻叅愧郝隆

向九連城

輕快戎裝顧影憐燕行書記自翩翩桃花錦浪官舟
艤芳草金堤客馬鞭不意吾生觀異域元知世事有
前緣眉間寂斂幾微色來往炎天路六千

遼野

躍馬鳴鞭出大荒書生眉宇一飛揚草青窻集河流
疾雲黑撐犁朔氣長避世幼安悲皂帽登仙丁令化
玄裳却看箕尾元同野夜夜茶棚夢漢陽

遼陽尉遲塔

風鈴四百響
郎當白塔千年倚
夕陽原草尚餘唐代
綠行人立馬話文皇

渾河

耶里水寒馬骨傷
飛沙混與塞雲黃
生憎萬里連天

草遮斷

王孫望故鄉

渾河一名耶里江江上
有孝廟等亭之墟云

朝鮮館裏落暉橫
忍聽渾河咽咽鳴
熱血城西今化
碧灰猶如活鄭雷卿

廣寧途中

金驪裏嘶紫蘭街
終朝絲雨浥雪
雪簾車柳外行高

屋輓塔煙中駐片帆鳳嘴鞵尖唐女鞵馬蹄褶窄滿
人衫風謠欲向書中道迢遞家鄉未達函

北鎮廟

我是三韓一旅人醫閭遠到謁明神羣山北坼蒙真
界大陸南傾渤碣濱舜典幽方荒萬里周官冀鎮屹
千春煌煌永樂碑中敕讀罷斜陽悵望頻

十三山

田中盡日一山無忽得妍峰馬首孤去去揮鞭如欲
拾颯朕平地落花跼

五月初一日十三山述懷

仲夏初一日他鄉十三山沒齒不忍忘嗟哉君親間
先王禪月畢慈母諱日還凌晨廢園中痛哭使臣班
殘星照苦心長風撲愁顏莫道臣疎逃空慚子愚頑
此日與此山行人看等閒家國殊方悲誰與我一般
威遠臺望見山海關

高臺萬里眇然軀天下全形眼底紆夷夏平分元大
限海山包括幾名都始皇創設非愚計成祖移居卽
壯圖若使袁家軍在此金甌寧向八旗輸

題撫寧縣秀才徐紹芬壁

高麗客到古驪城賢主華堂把臂迎惜別深杯傾細

細鴉黃名酒出南京

撫寧縣城東門日古驪

榛子店憶李文蘭

野風閑落最紅花
歇馬殘陽過客嗟
榛子荒涼猶有店
蘭姬憔悴昔離家
悲詞自擬胡笳拍
薄命難逢古押衙
幸有知音東國使
流傳哀怨到天涯

店壁有江南女子季

文蘭題詩清城相公見而傳之今不可尋

薊門煙樹

積氣遙天一望奇
斯須變滅劇狀疑
庶幾仙子何時遇
所謂伊人盡日思
滿地白雲虛自映
浮空翠樹倏如移
東邊莫羨西邊好
身在那中各不知

沙窩堡賣老人歌

沙窩村裏賣老人坐送七十有餘春到老不踏門前
路看書種樹怡其神涼棚把卷據凳子發笑時時口
自陳花樹刊牌記紅白菜種齋囊分甘辛耳聾不辨
牛與蟻幼孫附語傳向賓見我欣狀如舊交雪桃瀾
茗談津津暗挑崇禎年間事以手拊膺激觸頻長吁
一聲不敢哭寸髮鬢鬆空自循詎耐口中銜石闕但
道腸裏碾車輪自言大父指揮使仕宦依倚記甲申
傳聞束髮如君髻璘龍緞衣虎坐巾漢兒身子女真
裝不肖如今丁不辰嗚呼不忘烈皇帝口誦遺詔

稱聖神淋漓手寫十數行停毫飲泣仍悲呻有君無
臣非虛語不傷百姓何其仁臨行却把椒山集贈我
東方之使臣貽予一朶白芥子托種青丘憶老身激
烈文章辛芳菜意非偶然情却真可憐中原多名士
得得紅帽坐狨茵縱饒詩書奈爾何不及草澤一遺
民

敬次金直齋先生韻

丙舍書聲百帙橫消搖物外見高情天長一鴈無邊
度夜靜羣蒼不已鳴客路每尋紅樹冷世緣渾與白
雲平寒香却羨霜前菊絳帳年年得地生

奎章閣八景

已亥孟秋臣德懋臣得臣齊家臣理修待

罪檢書官一日上命製奎章閣八景詩

臣德懋等震越感激謹百拜製進上召閣

臣硃批以臣德懋詩置第一因命臣等進

前天語丁寧錫賚有差於戲盛哉螻蟻微

臣何以得此隆天厚地沒齒圖報臣德懋恭

紀

奉謨雲漢

森羅寶帙誕垂昆盛德千秋不可諼聖祖神

孫心法授天經地緯典刑存休光每護昭回宇元氣
長留灝噩言雲際巋然高閣出 皇成舊事 大朝
援

書香荷月

田田荷葉月蒼茫書閣微風五夜涼素影流空通
御氣朱華冒水散天香金貂班襯瓊瓏艷白獸尊翻
瀲灩光不是 宸心懷燕樂靈臺靈沼慕周王

奎章試士

奎躔新閣鬱嵯峨我卽看文章濟濟多吉士來歸思棧
櫟英材振作咏菁莪漢庭親發賢良策唐殿時開博

學科誰是鸞鳳珍彩備熙朝近日禮爲羅

拂雲觀德

分曹秩秩降登時
畫鼓聲傳颺錦旗
蒼檜雲晴遙辨
鵠金莎塵宿正翻
麋明之已審虞臣
戒爭也須思魯
聖儀昭代修文非
貫革心平體直把
弓宜

皆有梅雪

樓臺極望皓無垠
梅是瓊瑤雪是銀
閭闔光搖元不
夜罽罽香護已先
春黃扉早得調羹
手白屋方推挾
纘仁佇待花時新
雨露恩覃物物與
人人

弄薰楓菊

風物蕭辰霽景澄
禁園楓菊映觚稜
乾坤霜露繁
華最草樹池臺點
染能豹尾中間錢
箇箇螭頭上下
錦層層詞臣不撰
悲秋賦法酒宣來
氣色增

喜雨韶光

昭嶢鳳闕霽雲籠
人在唐天舜日中
藹蔚羣生霑化
澤昭蘇萬種扇仁
風星回蒼陸祥光
遍春到青邱淑
氣融花暖
宮城膏雨冷萬年
枝上最先紅

觀豐秋事

觀豐閣下水田寬
王業先知稼穡難
禹貢篇畱香
案讀幽風圖入
御屏看初收白雨
鋤謠歇遍蒲黃

雲銓響乾惻怛宸情民事軫每當玉食未甘餐

登瀛洲七言排律二十韻

奎章閣

八景詩製進
命製進又居

首

丹梯平步上瓊樓高出秋煙九點州
縹緲神翁劉向閣逍遙仙侶李膺舟
元知別境人間在却訝靈踪海上遊
中國以東環海滙三山之一屹瀛洲
珠宮銀闕云誰到漢士秦童昔未求
掛帆遲回空萬里褰裳延佇杳千秋
黃河消息閑休運蒼壁精神降勝流
仙李敷文鳴大雅羣英接武煥皇猷
青雲噓送名初藉白日飛昇境最幽
擲地新聲虞薛輩揆天逸氣陸顏儔

爭傳視草金鑾直共美揮毫畫省畱試看詞臣趨豹
尾還同仙人上鰲頭賦時儒化於斯盡前代官名有
此不太液瓊波同碧海上林珠樹卽丹邱青霄漠漠
齊騎鶴紫氣紛紛盡駕牛化羽東瀛朝玉案拍肩西
掖侍珠旒三千仙路聯高步十八清銜拭衆眸上界
樓臺元不遠下風冠珮定應羞人材一代傾山斗聖
曆千年祝海籌盛事仍令畱繪素閣君玉陞彩毫抽
燕射禮歌已亥九月
苑之拂雲亭
上行燕射禮于
命諸檢書製進
禁
聖王臨御三載秋日吉辰良賦禮修奎章高閣出
璇霄上有紅雲一朵浮青蔥玉樹紫垣邃世人那能

遊此地詞臣拜獻曬書儀寶閣恭瞻龍圖秘閣函奉
牒如有覲玉色愀然久怵惕中天瑞旭耀千帙羽
陵不勞蠹魚剔拂雲亭上清蹕移大射工奏狸首
詩四耦周旋抗大幟虎熊雉獐幡幡垂不中有飲中
有貺君子之爭以禮讓黃封內酒旨且芳今夕何辰
樂一堂法部笙簫殷轆轤禁苑白鳥紛回翔

奉贈

奎章直閣鄭公

志儉之任義州

銅虎詞臣佩榮光滿路看黏蟬落照迥蓋馬孤雲閒
雅望官還劇新知別更難惜違萍水會前歲我燕關

姜判書

世晃

紅葉樓避暑

消夏行尋木石居宰官身世隱君如泉音忽送披襟
際峰翠橫分挂笏初日午山厨餐杞菊雲晴澗戶註
蟲魚兒孫賦得高軒過硯北爭觀弱腕書公孫芳喜
十二善書

春日寓直摘文院柳惠甫朴在先同賦

長官迎送敢言勞祇幸微臣 賊世遭方朔呼飢知

曠達揭斯徒步自清高韶風暖拂芸香帙埤加鮮添

草色袍深院蕭然無一事滿聽丹壑沸松濤揭奚斯
為奎章

閣僚家貧嘗
徒步赴閣

院夜

三宵耿結戀 君情澹月繁星紫禁城獨整烏紗清

不寐丁東暖漏入書聲

摘文院信筆

吾生四十笑吾涯被酒年年卧落花始識明時無
棄物從今日月屬官家

雍容豹直禁林中蠟紙晴窗日射紅手勘羣書經

乙覽官衙勝似米南宮

米芾爲畫學博士

惻惻春寒穀雨天靜如室女寂如禪忽聞學士金牌

導聲折南廊幔子前

學士入院諸檢書具帽帶肅迎

尺五天光近石渠縹囊紺帙映華裾小臣贏得容身

地甘作書堆老蠹魚

沈子承

景文

宅逢元丈

野客東州尚未還
新晴把臂駱峰間
名流瀟灑從齊谷
酒債尋常自楚山
現眼詩場方有事
隨身書局暫偷閒
菜花的的飄黃蝶
相對騷翁昨歲顏

西院初秋校唐宋
文次朴在先東院
直中韻院分東西
閒忙殊異

昔愁炎日苦倏爾
近涼天伴直惟晴
鶴聯吟祗晚蟬攤
書青篠裏鳴磬紫
桐前澹趣公餘得
斯辰抵永年

燈夕直摛文院次李待教

崑秀

韻

佳辰文院直良會
畫樓登五夜華星
綴九霄瑞靄凝

御醪清比露官燭炯疑冰勝事堪千古流傳學士憑

題畫二首

野水平鋪白山霞點綴紅舟子時翹首撐帆候樵風
白雨蕭蕭急牛逕綠蓑鳴誰家濃樹裏山窻的歷明
次柳惠甫尚方直中韻

繡書評畫瑣窻東瀟灑文林韻士風敢道微官鴻羽
漸自慙華譽馬羣空短髭常恐緣詩白癯頰長教借
酒紅慵着烏紗調舞鶴澹松疎竹瑟然中

掖垣持被占西東節近重陽雨和風閒局賸收詩料
好冷官難補酒錢空篋管一夕迎霜碧薜荔三秋透

日紅如此清娛天餉我君胡久坐肉屏中

寒竹堂冬夜

炎天京闕覲陽月嶺郵還家札飛千里官樓繞萬
山罷衙寒樹側封印亂雲間一帙清宵閱端居得暫
閒

次柳惠甫永保亭長篇韻奉獻鄭學士

且置閣務劇蠡午令公試聽下官語下官倘受令公
知不辭甘心爲僕圍槎枒肝肺鬱奇氣詎堪低垂蓬
蒿處行隨使者蹕一騎飄然萬里燕中去徬徨躑躅
玉螭橋悵望烈皇舊紫籞綿州李生錢塘潘與我

論交大酒所歸來依舊一牀書專於嬰兒靜於女照
水影好憐山雞綠木枝拙慙石鼠韋布亦含水土恩
有願區區効心膺通籍金門非夢思感激由衷涕

難禦唐朝供奉漢待詔接武徐郎泠與楚

柳檢書號
冷齋朴檢

書號
楚亭

學士紫瀾大瀛海檢書黑子小島嶼惟公降精

東壁星主盟詞垣赤幟舉吾曹生並右文世伴直追
隨今五暑汲深端合資脩綆懷大那能容小褚羣書
名目解題陳小學偏旁說文許容我骨相不嫵媚略
我才具太齟齬天人性命百家語語到精深公每與
方其恍惚又璫瓏太真靈犀燃牛渚兼銜驛丞自我

始不循資格以齒序在前糠粃颺千里頭流之左濫
濡漱地瘴令人骨戍削別後秋風將換紆

還到花山郵復次柳惠甫長篇韻却寄摛文院
同僚

命官無乃星值午前身是馬通馬語如何翩翩四檢
書管領郵驂與牧圉元知閱蠹似攻駒馬喻非馬得
區處君出我入如相避去去來來復去去時如鳥
暫出露來時如魚方在籞無論如鳥復如魚造化生
成安其所伴直學士晨夕陪寔命不同抱裯女揣分
量才授厥職小腹便便飲河鼠官無貴卑卽王臣

勗哉吾曹殫心膺客冬朝 天又南爲逸興飄然誰
能禦一點素騶疾如飛碧天四垂粘平楚平明痛飲
素沙橋戰蹟回憶楊滄嶼驟颿沓剔儒酸眄睠飛
揚增豪舉行穿煙花一千里卸鞍忽覺當初暑紫竹
林中婆娑亭換着輕袷脫綿褚罷衙午夢飛京國醒
後雲山杳何許撐腹詩書自硯礪埋頭簿牒劇齟齬
生憎郵吏鴈行立鳥語侏僂吾何與思君不見如黃
姑泐水一帶銀河渚屈指歸期知何日井梧初落屆
秋序賴有一段風味在銀魚欲上瀟溪澈閒來更抄
雞林事方言爲正毛施紆

兩頭纖纖

兩頭纖纖史籀文半白半黑花鴨紋
脰脰膊膊野竹焚磊磊落落觸石雲

兩頭纖纖蓴葉卷半白半黑太極圈
脰脰膊膊鏃車轉磊磊落落駕大鰲

兩頭纖纖回子笠半白半黑蕎麥粒
脰脰膊膊祖逖楫磊磊落落酈生揖

兩頭纖纖芹田蛭半白半黑兔毛筆
脰脰膊膊鑪爆栗磊磊落落北斗七

兩頭纖纖棗核兒半白半黑五十髭
脰脰膊膊府庭

簪磊磊落落弄毬獅

兩頭纖纖猫睛午半白半黑
碁子縷脰脰膊膊檀板
拊磊磊落落打蕉雨

陝川涵碧樓

萬山行幾郡一水得孤亭
壁記前朝揭巖書大老銘
日斜江更白雲冷峽增青
客裏春光晚郵驂爲暫停
次朴在先直廬新成韻

朝陽硯不移夕陽席不移
臣心似葵花不辭日光被
幸荷帡幪覆吾君我怙恃
不須曰苟完莫道雖信
美安分學巢鷦鷯秉義等
埴螳或澄懷搔筆或怡神
隱

牙直利卷二
十一
几起居而寢食隨處無不喜矧伊好朋友夙契澹澹
水莊語間雅謔團圓惜移晷太息圖所報警戒行與
止莫作寮案看看若兄弟矣莫作直廬看看若一家
裏欲修檢書職請從鄙言始

有懷沈穉教

象奎

蕭蕭驚歲暮孤驛萬山深日下勞歸夢天南悄客心
偶然修竹到隨處白雲尋一鴈青冥濶君詩隔至今
畫扇

白塔清秋直紅欄落日危滿江飛木葉幽客水聲期
宣賜上林稻仍命臣等於閣中炊殮同食拈

施愚山韻恭紀

行竈煙濃紫栢陰占城香稻 賜文林僚筵匝坐同
沾腹宸札雙擎各鏤心均哺鴟鳩梅樹子聞聽鴻
鴈澤中吟荒年豈獨微臣飽一體民 憂丙夜深

禁苑種占城國稻檢
書卽古之文林郎

永陵扈駕以傳語差使員賡韻

句陳豹尾野塵晴 仙寢明朝展禮成百里神京傳
語捷虹橋雲幕報聲聲

敬次元丈韻

濃綠陰中曲逕幽翛然皓髮慢亭畱南崖雅集違花

夕東峽歸期值麥秋暫挽霜臺趨夜直幸緣奎閣
許旬休逢迎特地須歡笑會待樽空月上樓

元丈直廬

暫停書局筆稷下一騎歸園靜蟬稀噪庭空雀慣飛
槐陰涼滿席梅雨細吹衣官閣堪銷暑翛然願不違

輓元丈

輿志參三輔樞銜侈七旬後生資宿德今世見先民
峻節高於嶽溫言藹若春齋客仍痛哭不獨爲姻親
百年三萬六千日一日須傾三百杯七言排律

二十韻

庚戌三月以排律及置酒洛陽南宮賦
飲中八仙圖序命諸檢書製進序則

公居
首

八萬四千毛孔開幕天席地卧恢恢但看綠酒南山
倒不願黃金北斗堆觴政申明隨日驗觥籌漸次以
年該百季爲計無如酒萬古畱名不盡杯六逸風流
誰是王八仙身世我爲魁樽前白日黏難駐杯外黃
河瀉不回提榼峴山春悵望揮觴漢水曉沿洄龜頭
落日看銷泐鴨綠煙波美發醅酒國生涯真樂只醉
鄉日月亦悠哉糟臺政欲春秋記麴部行將月令裁
十二時辰揮玉笋一千箇月對金壘吾今老矣蕭騷
鬢時復中之渥赭顙春日斟從榆取火冬天飲到管

飛灰酒鱗渾與天星換觴羽頻隨歲律催瓊液青蓮
供太乙醍醐金粟餉如來梁園白雪詩腸鼓蜀道青
天醉眼擡去歲今年歡伯對明晨斯夕聖賢陪襟期
跌宕呼從事風味尋常伴秀才千日解醒差可意一
旬畱飲祇堪哀百千萬劫陶家土永作甌甕甌材

城市全圖七言古詩百韻

先是風物爲屏名城市全

圖壬子四月

命禁直諸臣製進兵曹佐郎申

光河檢書官朴齊家兼檢書官柳得恭檢校直

閣李晚秀右副承旨尹弼秉及公爲優等同副

承旨金孝建前奉教洪樂游行左承旨李集斗

檢校直閣徐榮輔前奉教李重蓮左副承旨李

百亨兵曹佐郎鄭觀輝右承旨申耆注書徐有

聞兵曹正郎鄭東榦前檢書官李蓋模被選優

等六人各有御評公之券書雅字命六人再

試金剛一萬二千
峰五十韻排律

金尺山河一萬里漢京翼翼黃圖裏黃圖一案大都
會歷歷鋪叙掌紋視詞臣解撰題畫詩盛事何幸承
恩旨董越作賦差強意徐兢爲圖豈專美朝鮮萬世
不拔基文物繁華盡在此鬼秘神怪若有待請從鴻
荒說源委烏干遠上負兒嶽龜食粵自溫祚始燕天
析木應乾文漢界樂浪稽地理聞道肅王設南京舊
事堪徵高麗史龍樓鳳闕五德丘翠華時巡不遑徙
終古神區自有主奕葉蟠根我仙李青茅帝許鰈域
封莫厥鴻基錫金璽華山三朶作北鎮漢水一帶爲

南紀山川向背定土圭道里遠近同車軌周官六翼
勅業初建國經邦聖人以形勢周家東都如佳麗漢
代西京擬經營位置面岳南王者之居壯如彼人物
樓臺三壯觀球陽使者驚吊詭左廟右社遵古制高
杉老栢森相倚太社常時潔壇壝清廟多年鞏基址
高明爽塏城東隅虔祀儒宮孔夫子濟濟青衿肄絃
誦秩秩緇帷列簠簋六曹百司領大小八門四郊通
遐邇八萬餘家統五部四十九坊控三市週遭石城
似金甌此是王京大略耳許多沿革五百年未必於
斯觀止矣重熙累洽聖繼神制作新新殊未已復何

圖中論仔細萬品紛然歸點指昔見清明上河圖拭
眼渾疑臨汴水千門萬戶漢宮畫艷羨曾聞夾漈氏
生於長於漢城中目擊犁然寧不喜一覽一披進一
觴天晴日永聊復爾九千九百七十步粉堞如帶明
千雉星羅碁置輦如許虎踞龍蟠秀無比北山無如
白岳好右挹仁王伯仲似英靈所鍾石氣青其下往
往生奇士南山無如紫閣秀翠眉浮天天尺咫云是
奔馬脫鞍形平安火舉通南鄙東山無如駱峰妙玄
聖門墻枕其趾浮嵐暖翠卓筆高學士遺居齋名企
西山無如歧峰險曲城圓嶠相角掎峰西一路走箕

城戰跡蒼茫餘古壘舊宮煙柳春似畫太平如今說
壬癸御溝流水碧於苔辟邪天祿相對跪東西兩闕
入憑眺五色雲中金爵峙觚稜金碧炫晴空佳氣三
時鬱鬱紫澄光樓聳碧樹圓翠瓦鱗鱗盪旖旎九子
萍綠展嫩葉萬年枝紅綻新蘂就中金殿鬱嵒嶢左
个青陽卽此是龍圖高閣太液畔上應奎星星似履
玄雲翳翳北苑北如見三皇降三時紅門遙辨是
真殿愀若先王憑玉几月覲門連夾城仗聖慕
何嘗一日弛東南關廟遙相望妥靈千秋芬苾祀綠
槐陰畔黃扉開佐理三公揔百揆演武場潤青門內

粉幘星奔破的矢金莎如剪慕華館延詔門路平於
砥清溪一道貫北營鷹岫倭松青不灰紅亭繞以洗
劒川空谷砧鳴白磴紙丫字泉分作雨聲坐久泠泠
欲洗髓三清洞門石鑄紅醺壇蓊然白雲起孤亭獨
戴大明天百代清風皎不滓洗心臺花弼雲映寵光
千葩與萬蘂梨營小將如紅玉閒看毬庭十八技朱
門處處甲乙第喬木陰森纏碧藟雅集誰家謳青童
良讌幾處舞紅妓亭亭白塔大圓覺層級遙空十四
累興天大鍾雲從街傑閣當中翼斯跂來來去去去
又來人海茫茫不見涖萬人心事吾自知貧者求錢

賤求仕賢愚老少日復日五劇三條撲如蟻輕輶過
處喝衆隸小轎歸時擁羣婢游閒公子一何都鞍馬
輝煌競華侈御河元知明堂水疏淪清流歲在巳車
車馬馬起晴雷幾座虹橋列鴈齒庚辰水平白玉柱
一羣花鴨弄清泚高樓兩岸咽笙歌不覺東城旻花
晷東流直瀉鐵窓急萬柳如眠綠迤邐沿街左右千
步廊百貨山積計倍蓰錦肆紅綠斑陸離紗羅練絹
綾縠綺魚肆新鱗足珍腴鯊鱸鮓鰓鮓鯉米肆隣
近飯顆山白粲雲子滑流火酒肆本自人間世熊白
猩紅滿滿匝行商坐賈指難僂細瑣么麼無不庀京

中物華已題了復從郊垞一評批崇禮門外何所見
十里江廩粟億秭煙波極望三南舶簇簇帆竿萬艘
艤敦義門外何所見舞槍春郊猿騎駛蟠松池水綠
可染演漾青荷涵白芷興仁門外何所見藉畝農人
秉耜耜華陽亭迥石欄古碧草粘天騰駮駟惠化門
外何所見點綴青林白沙嘴北屯桃花天下紅短籬
家家碧溪沚金城天府儘美哉壽域春臺亦樂只小
臣拜獻北斗杯 殿下千千萬萬禩執藝於今有餘
意餘意區區未敢止願將此圖替無逸昇平恒若不
足恃吾 王聖明不忘危惕慮詎必臣言俟肯堂丕

責在貽燕佇看綿綿垂福祉帝京景物急就篇竊效
斯文愧下俚

金剛一萬二千峰七言排律五十韻

須彌山半日輪周四大州包八萬州雲笈披來靈境
閱經讀盡奧區搜五千三百聞諸管八十一分記
自鄒九點齊州如米聚三千大界若萍浮太空轆轤
撐天柱元氣淋漓繞地毯辛苦夸娥紛措置經營富
媪劇雕鏤元知大幹昆崙始散作餘支井絡由大陸
橫蟠分朶朶中原直亘立頭頭縈回機縷芬難理錯
落盤基散未收坐立真形評泰華笑粧奇喻判春秋

神精只向三條止，氣勢還從兩戒求。全局寰中惟此耳，神區象外更無不。卽看海上神仙聚，只恨人間道里悠。福地何山非玉洞，仙鄉終古卽青丘。白頭天作東之鎮，浩劫雲藏上有湫。地理扶輿蟠嶺嶠，漢孥縹緲號瀛洲。就中楓岳冠東域，無限筍峰屹左陬。貝葉經中名已驗，蓬萊仙子跡應畱。縣官前代鳬飛葉，王子何季鶴降綏。盧舍那來山影幻，曇無竭去海雲愁。祝釐奇后伽藍剎，頂禮麗王拜帖遊。獅子島空山似戟，蝦夷國近海如油。山分內外遊堪遍，景最秋冬境更幽。元使埋香碑翠蘚，永郎書壁字銀鈎。諸天皓雪

粧銀壁初地濃楓匝錦幃故國山曾權近詠他鄉寺
又鄭同修九龍抱子潭光黝三佛聯肩石氣遒軒豁
空中真面露森羅天際亂峰稠匏中整整笙齊挿壺
口紛紛矢亂投一萬尖鉞籌恰滿二千叢玉數仍優
遙空簇簇金莖直平地亭亭玉筍抽鬼斧神鞭它自
得牛頭馬面不相侔九重鎖鑰開銀闕十二欄干敞
玉樓圓穴通天穿肉壁稜巖拔地卓朶牙千羣瀛海
翔鸞鶴萬點瑤躔爛斗牛疊疊無非圍畫障層層都
是列銀甍左擎右攫觀如是鏟去雕來借問疇肩背
竦疑高士矜臉眉低若美人羞瑤宮虛曰清侵骨瓊

樹槎枒燦映眸塵刹從知無盡數由旬難把幾何籌
苔蹊或有含芝鹿藤峽如逢獻果猴怒石奔川爭茹
吐懸厓仄壁類癭瘤奮如軍壘頻跳盪溫若賓筵迭
獻酬天外壁垂仙掌緇雲中石戴武夷舟青羊屨
看騰躍玄貘獐猱撫炳彪蓮榻三時千佛供蓬壺萬
古六鰲流白抽萬笏靈官隊碧拔千簪素女儔天祿
駢臻資佛力地靈長護篤邦休奇奇怪怪神長逞萬
萬千千日與謀五十三軀榆岵佛慈悲眉帶衆生憂

輓李斯舉

鴻祥

親炙晉菴相冲季能見知友朋看性命墳典作師資

跌蕩談餘咏悠揚酒後悲誰曾沮一縣於子竟何虧

集沈判官

公著

園亭

洞屋泠泠闐市塵烏紗暫卸作閒人莫嘆頭上飛騰
景且樂樽前現在身帶雪遙峰迎夕月鳴風老樹待
陽春元知北里饒名勝依戀行將卜近隣

題虎符蘆洲雪鴈圖

讀畫炎天忽變寒無邊蘆雪滿江干我曹都是忘機
者雜坐鳴鴻睡鴈間

內閣公讌與李承旨

書九

徐直閣

榮輔

南直閣

公轍

柳檢書得恩字送成都護

大中

之任北青

聖人建皇極導俗返其原山藪蔽垢疾日月燭幽昏
惇若無告輩漸被生成恩黷堂飭燕毛閔宮許
駿奔于今備人數盛德不可諉跛者驩欲蹈啞者
快欲言成侯衆中殊郎潛歲幾翻獻賦侈華褒酸寒
笑梁園硃批何煌煌赭於搏桑暎寵擢秩三品僊
鳬向北騫叨謝侍從聯琅函進天闈閣臣體聖
眷飲餞設清樽春意動禁籞恩光接塞垣諸公
今詞伯談藝醇而溫襟懷混物我資格忘卑尊僕本
下士耳與讌勝齊髡矧伊奉聖諭洞若闢重門寒
峻類旁條培養亦同根文章散衆派疏濬卽一源不

圖蟣蝨臣荷此聖諭敦感極俱泫然綠袍斑淚痕
沈疴漸祛體不復呻鬱煩久客將還家不復愴羈魂
百鳥得氣鳴各各悅春暄六經漱芳潤動輒三古援
願爲邯鄲鐸禁止箏篴喧願爲蕤賓鐵觸感縣曲軒
將何以報答聚首相與論成侯勉有餘吐辭愈樸渾
吾儕勉不足一變期復元

雅亭遺稿卷之二





陽明文庫
圖書印

